

WANEM, FROM WANEM, mo OLSEM WANEM: LUKLUK EVRI STEP BLONG RESTORESEN

RESTORESEN

Wan restoresen i taem oli putumbak wan samting i kam olsem we i bin stap bifo. Hem i no wan rifomesen (wan niu samting), we i jenisim wan samting we i bin stap blong krietem wan niufala samting. Eksampol. Sapos yu wantem blong putumbak wan olfala haos, bambae yu bildimbak haos ia folem semfala plan we i bin stap bifo. Maet yu wantem adap wan niu ples blong faea, be sapos olsem, bambae yu jenisim haos, yu no putumbak.



Gospel blong Jisas Kraes, i bin gat nid blong oli putumbak from se hem i bin lus long taem blong Bigfala Apostasi. Ol pipol oli bin laef plante handred yia we i no gat tru Jos. Mekem se Lod i putumbak Jos mo gospel blong Hem tru long Josef Smit, olsem we ol profet blong bifo oli bin profesae long hem (luk long Aesea 2:1-3; 29:13-14; Ol Wok 3:19-21; Revelesen 14:6-7; 2 Nifae 3:3-15).

Tru gospel blong Jisas Kraes i stap ia blong i stap—?bae yu stap wetem gospel ia? Nomata wol ia i stap gro, i stap kam moa mo moa nogud, Jos blong Jisas Kraes bae i stap kasem en.

Yu gat wan joes blong mekem—semfala joes ia we i bin fesem ol man long wol stat long stat blong taem: ?bae yu folem profet? Sapos yu mekem, bambae yu gat blesing mo gat Spirit blong lidim yu.

Blong save tijim gospel, bae yu nid blong save eksplenem wanem hem i apostasi, dispensesen, mo Restoresen. Jat ia i save help.

DISPENSESEN

Ol profet oli stap lidim wanem we yumi stap singaotem, *ol dispensesen*, we hem i wan taem, taem we (1) God i gat wan prishud lida we Hem i givim raet long hem we i stap long wol, mo (2) lida ia, wan profet, i lanem abaot plan blong fasin blong sevem man, mo hem i lanem hemia stret long God. Afta, profet i stap tij, o *i givimaot*, gospel ia long ol pipol.

Yumi talem tangkyu from ol skripja, from tru long olgeta yumi save abaot plante dispensesen we i bin pas. Sam impoten dispensesen (o taem), i hemia blong Adam, blong Inok, blong Noa, blong Ebrahim, blong Moses, blong Jisas Kraes, mo blong Josef Smit. Lod i bin statem wan dispensesen tru long wanwan long ol profet ia.



OL PIKIA OLI KAM LONG BEN SIMONSEN

OLSEM WANEM NAO APOSTASI I STAP HAPEN



APOSTASI

Apostasi=fasin nogud. Taem wan man, o grup blong ol pipol oli tanem baksaed blong olgeta long ol trutok blong gospel blong Jisas Kraes, i sakemaot ol profet, mo i foldaon long sin, nao oli stap long apostasi.

I Kam long Faith Sutherlin Blackhurst Ol Magasin blong Jos

Tekem se yu stap long wan trip blong wan wik i go long solwota wetem famli blong fren blong yu. Yufala i gat plante gud taem, be yu yu misim famli blong yu. Papa blong yu i sendem yu wan teks mesej blong jekem se ol samting oli oraet—i stret samting ia nao we yu nidim, blong filim se wan i lavem yu mo i tingbaot yu.

Laef long wol i lelebet olsem ia. God i sendem ol teks i kam long yumi, be yumi stap longwe long hom blong yumi long heven, mekem se, wan wei blong Papa long Heven i soemaot lav blong Hem long yumi, i taem Hem i sendem ol profet oli stap.